



Broj: 01-07-4-1170-1 / 23
Banja Luka, 19.04. 2023. godine

**VANJSKOTRGOVINSKA KOMORA
BOSNE I HERCEGOVINE**

Branislava Đurđevića 10, 71000 Sarajevo

VANJSKOTRGOVINSKA/SPOJNOKOTRGOVINSKA KOMORA
BOSNE I HERCEGOVINE
Branislava Đurđevića 10, Sarajevo

Primitljeno: 24.04.2023.			
Organizaciona jedinica	Klasifikaciona oznaka	Redni broj	Broj priloga
01-4	03-3	467	

PREDMET: Informacija povodom zaključka sa 7. sjednice Odbora Udruženja prevoznika u međunarodnom i međuentitetskom drumskom prevozu putnika Vanjskotrgovinske komore Bosne i Hercegovine, *dostavlja se*

Veza: Akt broj: 01-4-03-3-896-11/22 od 03.10.2022. godine

Vašim aktom broj: 01-4-03-3-896-11/22 od 03.10.2022. godine, a prema zaključku sa 7. sjednice Odbora Udruženja prevoznika u međunarodnom i međuentitetskom drumskom prevozu putnika Vanjskotrgovinske komore Bosne i Hercegovine, od Uprave za indirektno oporezivanje je tražena informacija o statusu ranijih zaključaka dostavljenih od strane Vanjskotrgovinske komore Bosne i Hercegovine vezano za inicijative navedenog udruženja.

Shodno zaprimljenom dopisu, a nakon uvida u naše evidencije, u nastavku vas obavještavamo o statusima zaprimljenih inicijativa Odbora Udruženja prevoznika u međunarodnom i međuentitetskom drumskom prevozu putnika.

- Akt Vanjskotrgovinske komore BiH broj: 01-4-03-50-1025-3-2/18 od 24.07.2018. godine, kojim se dostavlja prijedlog izmjena Zakona o akcizama u BiH i pripadajućeg pravilnika vezano za povrat akcize na naftne derivate koji se koriste kao pogonsko gorivo za obavljanje drumskog prijevoza, dostavljen je u UIO Radnoj grupi za zakonodavstvo iz oblasti akcize. Zadatak Radne grupe za zakonodavstvo iz oblasti akcize je bio da izvrši usklađivanje odredbi Zakona o akcizama u BiH sa Direktivom EU iz ove oblasti, kao i da otkloni nejasnoće i neodrečenosti odredbi koje su uočene kroz godine primjene važećeg propisa, te da pri izradi novog zakona o akcizama uzme u obzir i zaprimljeni prijedlog Vanjskotrgovinske komore BiH.
- Povodom zaključka Vanjskotrgovinske komore BiH, vezano za prijedlog da se javni i prigradski prevoz putnika trajno oslobodi plaćanja putarina za izgradnju autoputeva i za izgradnju i rekonstrukciju drugih puteva, UIO je dostavila odgovor Vanjskotrgovinskoj komori BiH, aktom broj: 01-07-4-2307-6/21 od 31.05.2022. godine, a shodno zaključku Upravnog odbora UIO sa 55 sjednice. U navedenom aktu UIO je pored ostalog dato jasno objašnjenje ko može biti nosilac prava na oslobađanje od plaćanja indirektnih poreza sa stanovišta poreskog organa, kao i uslovi koji se moraju za isto ispuniti, navodeći zakonske odredbe kojima je regulisana predmetna oblast. S tim u vezi je konstatovano da prevoznici nisu obveznici akcize na uvoz naftnih derivata, budući da gorivo nabavljaju sa već plaćenom akcizom i putarinama od dobavljača koji pri tome jesu ili nisu obveznici akcize. Iz navedenog razloga se predloženo oslobađanje prevoznika od plaćanja akciza i putarina ne smatra provodivim, a da se pri tome javni prihodi ne izlože ozbiljnom riziku naplate i troškovi poreskog nadzora zbog mogućih zloupotreba ne učine nesrazmjerno uvećanim u odnosu na potencijalne koristi. Takođe je ukazano da rješenje za poboljšanje položaja prevoznika treba tražiti u mogućim podsticajima od strane nadležnih ministarstava, eventualnoj politici

kontrole rasta cijena određenih energenata u vanrednim prilikama i na prihvatljiv rok, koristeći se iskustvima pojedinih zemalja iz okruženja ili u preduzimanju drugih odgovarajućih mjera u konkretnim situacijama, a bez preuzimanja neprimjerenih rizika u oblasti oporezivanja akcizama.

Iz navedenog proizilazi da su dati odgovori po zaključcima i dostavljenim aktima Vanjskotrgovinske komore BiH na inicijative Odbora Udruženja prevoznika u međunarodnom i međuentitetskom drumskom prevozu putnika.


Informacija koju dostavljamo ovim aktom, povodom predmetnog zahtjeva Odbora Udruženja prevoznika u međunarodnom i međuentitetskom drumskom prevozu putnika Vanjskotrgovinske komore BiH, prihvaćena je na 2. sjednici Upravnog odbora UIO održanoj dana 09.02.2023. godine.

Ujedno napominjemo da UIO provodi propise i politike koje utvrdi Vijeće ministara na prijedlog Upravnog odbora UIO, shodno odredbama člana 3. i 4. Zakona o sistemu indirektnog oporezivanja u BiH („Službeni glasnik BiH“, broj: 44/03, 52/04, 34/07, 4/08, 49/09, 32/13 i 91/17).

S poštovanjem,

Dostaviti:

1. Naslovu
2. Upravni odbor UIO
3. 01/1
4. 04
5. a/a



DIREKTOR

Dr. Miro Džakula